



Nhwanyana wo tlhariha



Sodi Sibiya





Paseka i nhwanyana wo tlhariha. A ehleketa
hi ku hatlisa. Paseka a nyikiwile phurojeke yo
byala.

Paseka a lava ku byala byasi ekaya ka yena.





Paseka a nga lavi vanhu van'wana va n'wi
pfuna. A chava leswaku va nga n'wi endla
xihlekiso.



Hakunene i nyeleti leyi vangamaka na le
tlilasini ya yena. A tiyile naswona a nga ri na
ku chava. A hatlisa eka vulavisisi loko a lava
ku endla swilo.





Paseka a ya layiburari ya xikolo. U lavile buku ya ku byala.

“Buku leyi ya swimilana yi ta ndzi komba magoza lawa ya faneleke,” u vurile sweswo a ri karhi a ehleketa hi magoza lawa a ta ma landzela loko a ri karhi a byala.



U kumile buku leyi faneleke ya ku n'wi pfuna.
U yi kumile hi xihatla, u nyanyukile swinene.





Paseka u susile nhova, kambe a nga na byasi. U sindzisekile ku teka eka vuhlayisi bya yena bya mali.

“Ndzi ta tirhisa mali leyi tata wa mina a nga ndzi hlayisela yona.”



U xavile byasi kutani a byi byala. Xirhapa a xi lehile timitara ta ntlhanu na ku anama timitara tinharhu. U sungurile ku cheleta byasi lebyi a byi byaleke. U tirhisile thini leri a ri na timbhovo. Xirhapa xa Paseka a xi sasekile hi byasi.





Byasi byi sungurile ku kula. I bya rihlaza byi tlhela byi saseka. Loko ku hundzile masiku, u lemukile leswaku ku na switsotswana exirhapani.

“Leswi swi ta onha byasi bya mina.”



A nga na swo dlaya switsotswana. U hava na mali yo swi xava. Xana u ta endla yini? Xana a nga dlaya switsotswana hi mati yo vila? Leswi swi ta dlaya na byasi lebyi a nga byi byala.





Nakambe, u teka buku ya ku byala.

“Yi ta ndzi pfula miehleketo. Ndzi ta byi hlayisa byasi lebyi.”

Xo sungula Paseka u languta tafula ra vundzeni. Kutani u kumile pheji ra ku dlaya switsotswana.



Paseka u kuma ndlela ya ku ti endlela xo dlaya switsotswana ha yona.

“Buku leyi ya swi twisisa leswaku ndzi le ka xihatla. Yi ndzi nyika vuxokoxoko hinkwabyo lebyi ndzi byi lavaka. Namuntlha, switsotswana leswiya hinkwaswo swi ta ndzi tiva leswaku hi ndzi mani!”





Ku ti endlela xo dlaya switsotswana swi olovile. Paseka u hlaya leswi a bukwini. U ta lava leswi landzelaka: Xo sungula, chela tikhapu ta mune ta mati eka jeke. Kutani u engeta swilepulana swa ntlhanu swa xisibi xo halaka.



Ku va xo dlaya switsotswana xi enela,
Paseka u fanele ku engeta mpimo wa yena.
U chela tikhapu ta 20 ta mata ebakitini.





Sweswi Paseka u fanele ku chela xisibi xo hakela. Xana ndzi ta lava swingana? U sungula ku hlayela:

Tikhapu ta mune = malepula ya ntlhanu

Tikhapu ta nhungu = malepula ya khume

Tikhapu ta khume-mbirhi = malepula ya khume-ntlhanu.



Paseka u yile emahlweni na ku hlayela ku kondza a fika eka tikhapu ta 20. Leswi swi ta va swi enerile. Sweswi Paseka u enerisekile.





Tirhisa bodlhela ro fafazela. Nyunyutela rivala hinkwaro leri ku nga na byasi. Paseka u nyunyuterile byasi masiku hinkwawo ku ringana mavhiki ya nharhu.



Byasi bya Paseka byi sungula ku va rihlaza. Bya kula na ku va bya rihlaza. I bya rihlaza lowu nga heriki. Byasi byi fanele ku hunguteriwa.





Paseka u lavile xikero lexikulu. U tshamile ehansi ebyasini kutani a sungula ku byi tsema.

Manano!!! Byasi byi sasekile na ku ringanana. I byasi bya rihlaza lowu nga heriki.



Paseka u tsakile. Byasi bya Paseka byi sasekile swinene. Nhwanyana wa ntlhari u swi endlile. Sweswi i Paseka nyeleti go vangama!

